

## Ysgol Cybi

### Hysbysiad Preifatrwydd – Gweithlu Addysg (Sut yr ydym yn defnyddio gwybodaeth y gweithlu)

*(The English version is underneath the Welsh version)*

Mae gennym ddyletswydd dan ddeddfwriaeth diogelu data i brosesu data personol ynglŷn â'r bobl yr ydym yn eu cyflogi i weithio yn ein hysgol. Golyga data personol, neu wybodaeth personol, unrhyw wybodaeth ynglŷn ag unigolyn y gellir ei defnyddio i adnabod yr unigolyn hwnnw.

Mae'r hysbysiad hwn yn rhoi gwybodaeth i chi ynglŷn â'r data yr ydym yn ei gadw amdanoch, sut yr ydym yn ei ddefnyddio, eich hawliau mewn perthynas â'r data a'r mesurau diogelu sydd ar waith i'w amddiffyn. Mae'n rhoi gwybodaeth am gasglu a phrosesu gwybodaeth personol staff gan yr ysgol o'r cais nes i gyflogaeth ddod i ben.

Mae gweithlu'r ysgol yn cynnwys pawb a gyflogir i addysgu, neu a ymgysylltir fel arall i weithio, naill ai ar sail gyflogedig, dan gontract neu wirfoddol, yn yr ysgol.

Mae'r ysgol wedi ei chofrestru fel rheolydd data gyda Swyddfa'r Comisiynydd Gwybodaeth (ICO). Mae manylion llawn o'r cofrestriad ar gael ar gofrestr yr ICO o reolyddion data. Mae'r ysgol, fel y rheolydd data, yn gyfrifol am eich data personol.

#### **Y categorïau o wybodaeth gweithlu yr ydym yn ei phrosesu:**

- gwybodaeth personol (megis enw, dyddiad geni, rhif cyflogai neu athro, rhif yswiriant gwladol, hanes cyfeiriad a thystiolaeth hunaniaeth a hawl i weithio)
- nodweddion (megis ethnigrwydd neu aelodaeth o undeb llafur)
- manylion cyswllt (megis cyfeiriad, rhif ffôn a chyfeiriadau e-bost, a chysylltiadau argyfwng)
- gwybodaeth feddygol (megis cyflyrau iechyd, alergeddau neu feddyginiaeth sydd ei hangen a canlyniadau profion Covid-19 a gwybodaeth perthnasol)
- gwybodaeth contract (megis dyddiadau cychwyn, oriau gwaith, swydd, rolau a gwybodaeth am gyflog)
- gwybodaeth gyrru a cherbyd (megis dogfennaeth MOT ac yswiriant)
- gwybodaeth presenoldeb ac absenoldeb (megis y nifer o absenoldebau a rhesymau)
- cymwysterau, sgiliau, profiad a hanes cyflogaeth (a lle bo'n berthnasol, y pynciau yr addysgir)
- gwybodaeth am berfformiad
- deilliannau unrhyw weithdrefnau disgyblu ac/neu gwynion
- deilliant gwiriadau cofnod troseddol neu glirio diogelwch
- gwybodaeth gyllidol (gwybodaeth fancio)
- delweddau ffotograffig, gweledol a fideo, cofnodion clywedol, ffrydio'n fyw a recordiadau ar-lein a ffilm CCTV (at ddibenion dysgu, asesu, diogelwch ac adnabod)
- data ynglŷn â'ch defnydd o system wybodaeth a chyfathrebiadau'r ysgol.

#### **Pam yr ydym yn casglu a defnyddio gwybodaeth y gweithlu**

Rydym yn casglu a defnyddio gwybodaeth y gweithlu at y dibenion canlynol:

- i gynorthwyo â darpariaeth gwasanaethau addysg
- diogelu disgyblion
- galluogi tâl i'r gweithlu ysgol, a chefnogi tâl a chyfrifiadau pensiwn
- galluogi monitro salwch a chefnogaeth mewn amgylchiadau absenoldeb
- cwrdd â'r dyletswyddau statudol a roddir arnom gan Lywodraeth Cymru a Iechyd Cyhoeddus Cymru o ran gwarchod iechyd y cyhoedd
- hwyluso recriwtio diogel a chydymffurfio â rhwymedigaethau diogelu
- cefnogi rheoli perfformiad effeithiol
- asesu effeithiolrwydd cyffredinol y gweithlu, ac adolygu pa mor effeithlon y mae'n cael ei adleoli
- llywio'r gwaith o ddatblygu ein polisiau recriwtio a dargadw
- caniatáu gwell modelu ariannol, cynllunio ac archwilio
- cysylltu â staff tu allan i'r ysgol os oes angen, neu gysylltu ag eraill sy'n wybyddus i chi lle'r ydych wedi darparu'r wybodaeth pan fyddai'n rhesymol i wneud hynny.

Ni fydd yr wybodaeth yn cael ei defnyddio at ddibenion nad ydynt yn gydnaws â pham y cafodd ei chasglu yn y lle cyntaf, oni bai ein bod yn ystyried yn rhesymol ein bod angen ei defnyddio am reswm arall a bod y rheswm hwnnw yn gydnaws â'r pwrpas gwreiddiol. Noder os gwelwch yn dda efallai y bydd rhaid i ni brosesu eich data personol heb i chi fod yn ymwybodol a heb eich caniatâd lle mae hyn yn ofynnol neu os caniateir hyn gan y gyfraith.

Rydym yn casglu ac yn defnyddio eich gwybodaeth bersonol oherwydd bod gennym un o'r seiliau cyfreithiol canlynol dros brosesu (Erthygl 6 (UK GDPR)):

- i gydymffurfio â rhwymedigaeth gyfreithiol
- i berfformio gorchwyl diddordeb y cyhoedd
- i berfformio contract

Yn llai cyffredin, gallwn hefyd ddefnyddio gwybodaeth bersonol amdanoch lle:

- rydych wedi rhoi caniatâd i ni ei defnyddio mewn ffordd benodol
- rydym angen amddiffyn eich buddion pennaf (neu fuddion rhywun arall).

Os ydych wedi rhoi eich caniatâd i ni ddefnyddio eich data, gallwch dynnu'r caniatâd hwn yn ôl ar unrhyw amser.

Mae rhai o'r rhesymau a restrir uchod dros gasglu a defnyddio eich gwybodaeth bersonol yn gorgyffwrdd, a gall fod sawl sail sy'n cyfiawnhau defnydd yr ysgol o'ch data.

Os ydym yn prosesu unrhyw ddata categori arbennig, yn ogystal ag unrhyw un o'r seiliau cyfreithiol uchod, bydd prosesu yn angenrheidiol oherwydd bod un o'r amodau dan Erthygl 9 (UK GDPR) yn berthnasol. Mae hyn yn cynnwys (lle bo'n berthnasol) gwybodaeth ynglŷn â:

- hil, ethnigrwydd, credoau crefyddol a barn wleidyddol
- aelodaeth undeb llafur
- iechyd, gan gynnwys unrhyw gyflyrau meddygol, a chofnodion salwch

**Rydym yn cymhwyso'r egwyddorion canlynol pan ddefnyddiwn wybodaeth bersonol**

- prosesu'n gyfreithlon, yn deg ac yn dryloyw
- casglu at ddibenion penodol, eglur a chyfreithlon ('cyfyngiad pwrpas')

- yn ddigonol, perthnasol ac wedi ei chyfyngu i beth sy'n angenrheidiol
- yn gywir, a lle bo'n angenrheidiol, yn cael ei chadw'n gyfredol
- ei chadw mewn ffurf sy'n caniatáu adnabyddiaeth o wrthrychau data am ddim hirach na sydd angen
- yn cael ei phrosesu mewn ffordd sy'n sicrhau diogelwch priodol o'r data personol.

### **Sut yr ydym yn casglu gwybodaeth y gweithlu**

Rydym yn casglu gwybodaeth bersonol drwy geisiadau am gyflogaeth, ffurflenni contract staff a ffurflenni casglu data cyffredinol staff. Mae data gweithlu yn hanfodol ar gyfer defnydd gweithredol yr ysgol / awdurdod lleol.

Mae'n bosib hefyd y byddwn yn casglu, storio a rhannu gwybodaeth bersonol gan gynnwys ffotograffau, delweddau a recordiadau clywedol drwy dechnolegau a ddefnyddir at ddibenion dysgu ar-lein a chyfathrebu â disgyblion, rhieni a'r gymuned ehangach. Gall hyn fod drwy dechnolegau, apiau a chyfrifon cyfryngau cymdeithasol (megis Microsoft Teams, ClassDojo a Facebook).

Mae gennym systemau CCTV mewn lleoliadau allweddol er pwrpas diogelwch ac atal a chanfod trosedd. Arddangosir arwyddion clir yn eich hysbysu bod CCTV ar waith ac yn rhoi manylion i chi ynglŷn â gyda phwy i gysylltu am ragor o wybodaeth amdano. Byddwn ond yn datgelu delweddau CCTV i drydydd partïon at ddibenion diogelwch y cyhoedd ac i atal a chanfod trosedd.

Er bod y rhan fwyaf o'r wybodaeth y rhowch i ni yn hanfodol, darperir peth ohono ar sail wirfoddol. Er mwyn cydymffurfio â deddfwriaeth diogelu data, byddwn yn eich hysbysu wrth gasglu a yw'n ofynnol i chi ddarparu gwybodaeth weithlu benodol i ni (ac os yw'n ofynnol, beth yw'r canlyniadau posib o beidio â chydymffurfio), neu a oes gennych ddewis.

### **Sut yr ydym yn cadw gwybodaeth yn gywir ac yn gyfredol**

Rydym eisiau sicrhau fod eich gwybodaeth bersonol yn gywir ac yn gyfredol. Gofynnwn i staff gymryd camau rhesymol i sicrhau fod y data personol sydd gennym amdanoch yn gywir a'ch bod yn ein diweddarau ar unrhyw newidiadau. Byddwn yn diweddarau'r wybodaeth cyn gynted â phosib yn ein cofnodion papur ac electronig.

Dylech hefyd roi gwybod i ni os ydych yn anghytuno ag unrhyw beth yr ysgrifennir ar eich cofnod. Efallai na fyddwn bob amser yn gallu newid neu gael gwared â'r wybodaeth honno, ond byddwn yn cywiro anghywirdebau ffeithiol ac o bosib yn cynnwys eich sylwadau yn y cofnod i ddangos eich bod yn anghytuno gydag ef.

### **Sut yr ydym yn storio data gweithlu**

Caiff data personol ei storio yn unol â'n *Polisi Diogelu Data Ysgolion*.

Rydym yn creu ac yn cadw ffeil gyflogaeth i bob aelod o staff. Cedwir yr wybodaeth sydd yn y ffeil hon yn ddiogel a chaiff ond ei defnyddio at ddibenion sy'n uniongyrchol berthnasol i'ch cyflogaeth.

Mae pa mor hir yr ydym yn cadw'r wybodaeth cyn y ceir gwared â hi'n ddiogel yn amrywio yn dibynnu ar y math o wybodaeth, gofynion cyfreithiol ac anghenion yr ysgol. Byddwn yn prosesu data staff yn ddiogel at y dibenion uchod am ddim hirach na sy'n angenrheidiol.

Yn gyffredinol, rydym yn cadw data gweithlu ysgol drwy gydol eich cyfnod o gyflogaeth ac am gyfnod penodol ar ôl i'r gyflogaeth orffen yn unol â'n *Cyfnodau Cadw Cofnodion Ysgolion*. Gellir cael mynediad at y ddogfen hon drwy gysylltu â'r Pennaeth.

## **Gyda phwy yr ydym yn rhannu gwybodaeth gweithlu**

Lle mae'n angenrheidiol ac yn gyfreithlon, neu lle mae'n ofynnol dan rwymedigaeth gyfreithiol, byddwn yn rhannu gwybodaeth berthnasol gydag:

- ein hawdurdod lleol, Cyngor Sir Ynys Môn
- GwE (Gwasanaeth Effeithiolrwydd a Gwella Ysgolion Gogledd Cymru)
- Llywodraeth Cymru
- cyrff rheoli (megis Estyn)
- heddluoedd
- y llysoedd
- yr wasg a'r cyfryngau

Mae hefyd yn gyfreithiol ofynnol i ni amddiffyn yr arian cyhoeddus yr ydym yn ei weinyddu a gallwn rannu gwybodaeth a ddarperir i ni gyda chyrff eraill sy'n gyfrifol am archwilio neu weinyddu arian cyhoeddus i atal a chanfod twyll ac anghysondeb.

## **Pam yr ydym yn rhannu gwybodaeth gweithlu yn rheolaidd**

Nid ydym yn rhannu gwybodaeth ynglŷn â'n gweithlu gydag unrhyw un heb ganiatâd oni bai bod y gyfraith a'n polisïau yn caniatáu i ni wneud hynny. Lle gallwn, byddwn ond yn casglu ac yn defnyddio gwybodaeth bersonol y gweithlu ysgol fel y gallwn ddarparu gwasanaethau addysg neu gwrdd â gofyniad.

Mae'n ofynnol i ni rannu gwybodaeth ynglŷn â'n gweithlu ysgol yn rheolaidd gyda'n hawdurdod lleol, Cyngor Sir Ynys Môn, a Llywodraeth Cymru.

Mae'n bosib bydd angen i ni rannu gwybodaeth personol a chategori arbennig gyda'r Gwasanaeth Profi, Orlhain a Diogelu (Iechyd Cyhoeddus Cymru) ac mewn rhai achosion, Cyngor Sir Ynys Môn, er mwyn diogelu disgyblion, staff ysgol ac y gymuned ehangach rhag lledaeniad Covid-19. I ganfod mwy am y Gwasanaeth Profi, Orlhain a Diogelu, ewch i <https://llyw.cymru/profi-olrhain-diogelu>

### Llywodraeth Cymru

Cyfrifiad blynyddol o'r gweithlu ysgolion (CBGY) yw casgliad data statudol blynyddol o wybodaeth ynglŷn â'r gweithlu mewn ysgolion a gynhelir yng Nghymru. Mae Llywodraeth Cymru'n derbyn gwybodaeth ar y gweithlu ysgolion yn uniongyrchol gan ysgolion ac awdurdodau lleol fel rhan o'r CBGY.

Cesglir yr wybodaeth ganlynol ar gyfer y CBGY:

- gwybodaeth bersonol a chategori arbennig amdanoch (megis rhif cyfeirnod athro (TRN), enw cyntaf, enw(au) canol, cyfenw, dyddiad geni, rhyw, grŵp ethnic, statws anabledd a rhif yswiriant gwladol)
- gwybodaeth ynglŷn â'ch tâl a chontractau (megis graddfeydd cyflog, lwfansau, tâl, a rheswm dros adael)
- gwybodaeth ynglŷn â'ch absenoldebau (gan gynnwys hyd a math o absenoldeb)
- gwybodaeth ynglŷn â sgiliau iaith Gymraeg

- gwybodaeth ynglŷn â'r pynciau yr ydych yn eu dysgu, math o swydd a rolau cysylltiedig.

Am ragor o wybodaeth ynglŷn â'r CBGY, ewch i wefan Llywodraeth Cymru:

<https://llyw.cymru/cyfrifiad-blynyddol-or-gweithlu-ysgolion-cbgy-hysbysiad-preifatrwydd>

I ganfod mwy am y gofynion casglu data a roddir arnom gan Lywodraeth Cymru, gan gynnwys y data yr ydym yn ei rannu gyda nhw, ewch i <https://llyw.cymru/casglu-data-a-rheoli-gwybodaeth-i-ysgolion>

## **Sut yr ydym yn edrych ar ôl eich gwybodaeth**

Dan ddeddfwriaeth diogelu data, mae'n rhaid i ni amddiffyn unrhyw wybodaeth yr ydym yn ei chasglu gennych. Rydym wedi rhoi mesurau diogelwch priodol ar waith ac wedi gweithredu safonau a rheolyddion diogelwch i atal eich data personol rhag mynd ar goll, cael ei ddefnyddio neu ei gyrchu'n ddamweiniol mewn ffordd anawdurdodedig, ei altro neu ei ddatgelu.

Bydd yr wybodaeth yr ydych wedi ei darparu yn cael ei storio'n ddiogel. Bydd unrhyw wybodaeth bersonol nad oes ei hangen bellach, neu sydd bellach yn anghywir neu wedi dyddio, yn cael ei gwaredu'n ddiogel.

Rydym wedi rhoi gweithdrefnau ar waith i ddelio ag unrhyw ddigwyddiadau diogelwch data a byddwn yn eich hysbysu chi ac unrhyw reoleiddiwr perthnasol sy'n ymwneud â'r digwyddiad lle mae'n ofynnol yn gyfreithiol i ni wneud hynny.

## **Eich hawliau diogelu data**

Mae'r gyfraith yn rhoi nifer o hawliau i weithwyr ysgol i reoli *pa* wybodaeth bersonol sy'n cael ei defnyddio gennym, a hefyd *sut* y defnyddiwn yr wybodaeth. Mae'r hawliau hyn yn cynnwys:

Eich hawl i gael gwybod bod gwybodaeth amdanoch yn cael ei defnyddio

Eich hawl i fynediad – mae gennych hawl i ofyn i ni am gopïau o'ch gwybodaeth bersonol (gweler 'gwneud cais am fynediad at eich data personol' isod am fwy o fanylion).

Eich hawl i gywiro – mae gennych yr hawl i ofyn i ni gywiro gwybodaeth y credwch ei bod yn anghywir. Mae gennych hefyd yr hawl i ofyn i ni gwblhau gwybodaeth y credwch ei bod yn anghyflawn.

Eich hawl i ddileu – mae gennych yr hawl i ofyn i ni ddileu eich gwybodaeth bersonol dan amgylchiadau penodol.

Eich hawl i gyfyngu ar brosesu – mae gennych yr hawl i ofyn i ni gyfyngu'r prosesu sy'n digwydd i'ch gwybodaeth dan amgylchiadau penodol.

Eich hawl i wrthod prosesu – mae gennych yr hawl i wrthwynebu i'r prosesu sy'n digwydd i'ch data personol dan amgylchiadau penodol. Mae gennych yr hawl i wrthwynebu i brosesu sy'n digwydd i'ch data personol sy'n debygol o achosi, neu sydd yn achosi difrod neu drallod.

Eich hawl i gludadwyedd data – mae gennych yr hawl i ofyn i ni drosglwyddo'r wybodaeth y rhoesoch i ni i sefydliad arall, neu i chi, dan amgylchiadau penodol.

Dan rai amgylchiadau, mae gennych hefyd yr hawliau canlynol:

- i atal prosesu at ddibenion marchnata uniongyrchol
- i wrthwynebu i benderfyniadau sy'n cael eu gwneud yn awtomatig
- i geisio iawndal, un ai drwy'r ICO neu drwy'r llysoedd.

### **Gwneud cais am fynediad at eich data personol**

Dan ddeddfwriaeth diogelu data, mae gan staff yr hawl i wneud cais am fynediad at wybodaeth yr ydym yn ei chadw amdanynt. Adnabyddir hyn yn gyffredin fel "cais gan wrthrych y data". Mae hyn yn galluogi i chi dderbyn copi o'r data personol yr ydym yn ei gadw amdanoch ac i wirio ein bod yn ei brosesu'n gyfreithlon.

Fodd bynnag, ni allwn ganiatáu i chi weld unrhyw rannau o'ch cofnod sy'n cynnwys:

- gwybodaeth gyfrinachol ynglŷn â phobl eraill; neu
- gwybodaeth y mae gweithiwr proffesiynol yn tybio y bydd yn achosi niwed difrifol i les corfforol neu feddyliol chi neu rywun arall; neu
- os credwn y byddai rhoi'r wybodaeth i chi yn ein rhwystro rhag atal neu ganfod trosedd.

Er mwyn gwneud cais am eich gwybodaeth personol, gofynnwch i'r Pennaeth yn y lle cyntaf.

Byddwch yn derbyn copïau o'ch data personol o fewn cyfnod statudol o fis (neu os yw darparu eich data personol yn fater cymhleth, bydd hyn yn cael ei wneud cyn gynted ag sy'n rhesymol o fewn 3 mis).

Bydd eich data personol yn cael ei ddarparu i chi yn rhad ac am ddim, fodd bynnag, os yw eich cais yn amlwg yn ddi-sail, yn ailadroddus neu'n ormodol, bydd ffi rhesymol yn cael ei chodi. Fel arall, gallwn wrthod i gydymffurfio â'ch cais dan yr amgylchiadau hyn.

### **Cysylltiadau a rhagor o wybodaeth**

Manylion yr ysgol fel y rheolydd data yw'r canlynol:

Enw'r Ysgol: Ysgol Cybi

E-bost: [6603036\\_pennaeth.cybi@Hwbcymru.net](mailto:6603036_pennaeth.cybi@Hwbcymru.net)

Rhif Ffôn: 01407 883150

Cyfeiriad: Ysgol Cybi, Ffirdd Garreglwyd, Caergybi

Rydym hefyd wedi penodi Swyddog Diogelu Data Ysgolion drwy'r Awdurdod Lleol. Os oes gennych unrhyw gwestiynau ynglŷn â'r Hysbysiad Preifatrwydd hwn, gan gynnwys unrhyw geisiadau i ymarfer eich hawliau cyfreithiol, cysylltwch â'r Swyddog Diogelu Data Ysgolion yn defnyddio'r manylion yr amlinellir isod:

E-bost: [dpoysgolionmon@ynysmon.gov.uk](mailto:dpoysgolionmon@ynysmon.gov.uk)

Rhif ffôn: 01248 751833

Cyfeiriad: Gwasanaeth Dysgu, Cyngor Sir Ynys Môn, Swyddfeydd y Cyngor, Llangefni, Ynys Môn, LL77 7TW

Mae gennych yr hawl i wneud cwyn ar unrhyw amser i Swyddfa'r Comisiynydd Gwybodaeth (ICO), sef y rheoleiddiwr annibynnol dros ddiogelu data. Os oes gennych bryder neu gŵyn ynglŷn â'r ffordd yr ydym yn casglu neu'n defnyddio eich data personol, dylech godi eich pryder gyda ni yn y lle cyntaf fel y gallwn geisio datrys unrhyw broblemau.

Swyddfa'r Comisiynydd Gwybodaeth (ICO):

E-bost: <https://ico.org.uk/concerns/>

Rhif ffôn: 0303 123 1113

Cyfeiriad: Information Commissioner's Office, Wycliffe House, Water Lane, Wilmslow, Cheshire, SK9 5AF

Mae cyngor ac arweiniad ar gael ar eu gwefan [www.ico.org.uk](http://www.ico.org.uk)

### **Newidiadau i'n Hysbysiad Preifatrwydd**

Rydym yn cadw ein Hysbysiad Preifatrwydd dan adolygiad parhaus a byddwn yn rhannu unrhyw ddiwygiadau.